



REPUBLIKA E KOSOVËS / REPUBLIKA KOSOVA

GJYKATA THEMELORE PEJË - DEGA E GJYKATËS DEÇAN

Numri i lëndës: 2023:012810

Datë: 03.01.2024

Numri i dokumentit: 05151791

P.nr.13/23

NË EMËR TË POPULLIT

GJYKATA THEMELORE NË PEJË/DEGA NË DEÇAN - DEPARTAMENTI I PËRGJITHSHËM, me gjyqtarin e vetëm gjykues Armend Lokaj, me sekretaren juridike Sabiha Hoxha, në çështjen penale, kundër të pandehurit A.F., për shkak të veprës penale Ndotja, degradimi ose shkatërrimi i mjedisit nga neni 338 par. 1 të KPRK-së, duke vepruar sipas Aktakuzës së Prokurorisë Themelore në Pejë, Departamenti i Përgjithshëm, PP/II.Nr.2731/22, të datës 13.01.2023, pas shqyrtimit fillestar, në të cilën kanë qenë të pranishëm Prokurori i Shtetit Arlinda Nallbani - Gacaferri, i pandehuri A.F dhe mbrojtësi i tij sipas autorizimit av. Q.F., me datë 28.12.2023, mori dhe publikisht shpalli, ndërsa me datë **03.01.2024**, përpiloi këtë:

A K T G J Y K I M

A.F, nga i ati, e ëma, e gjinisë, i lindur më, në fshatin K....., Rr.”V.... F.....”, nr....., K.....D....., ku dhe tani jeton, i gjendjes së mesme ekonomike, i martuar, baba i tre fëmijëve, me numër personal, shqiptar, shtetas i Republikës së Kosovës.

ËSHTË FAJTOR

SEPSE:

Me datën 21.07.2022 rreth orës 12:00, në Bjeshkën e Belegut e cila bënë pjesë në parkun kombëtarë “*Bjeshkët e Nemuna*”, duke shkelur duke shkelur nenin 128 të Ligjit Nr. 03/L-233, bënë degradimin e tokës, në atë mënyrë që i pandehuri ditën kritike është hasur nga pylltari i DAPK-it-dëshmitari M.B., duke gërmuar me ekskavator një sipërfaqe prej 18x08 m me qëllim të ndërtimit të një stani, e si pasojë e kësaj ka bërë degradimin e tokës në pyllin e mbrojtur;

- Me këtë ka kryer veprën penale Ndotja, degradimi ose shkatërrimi i mjedisit nga neni 338 par. 1 të KPRK-së.

Andaj, gjykata, në bazë të nenit të lartcekur dhe neneve 4; 7; 38; 40; 43; dhe 69 të KPRK-së dhe neneve 364, 449 dhe 462 të KPPK-së, të pandehurin:

E G J Y K O N

Të pandehurit: A.F, i shqipton dënim me gjobë në lartësi prej **300€** (tre qind euro), të cilin dënim më gjobë është i obliguar t'a paguaj në afat prej 15 ditësh nga plotfuqishmëria e këtij aktgjykimi.

Nëse dënimi i shqiptuar në të holla nuk mund të ekzekutohet, gjykata dënimin me gjobë në bazë të nenit 43 par. 3, të KPRK-së, do t'a zëvendësoj me dënim me burg, ku **një (1) ditë** burgim do të llogaritet me **20 (njëzet)**, euro gjobë.

Obligohet i pandehuri që në emër të paushallit gjyqësor paguaj shumën prej **30 (tridhjetë) €**, si dhe në emër të kompensimit të fondit për viktimë, shumën prej **30 (tridhjetë) euro**, të gjitha këto në afat prej 15 ditësh nga dita e plotfuqishmërisë së këtij aktgjykimi.

E dëmtuara: **Ministria e Ambientit, Planifikimit Hapësinor dhe Infrastrukturës** në Prishtinë, për realizimin e kërkesës pasurore juridike udhëzohet në kontest civil.

A r s y e t i m

Prokuroria Themelore në Pejë/Departamenti i Përgjithshëm, me aktakuzën PP/II.Nr.2731/22, të datës 13.01.2023, e ka akuzuar të pandehurin A.F, për shkak të veprës penale Ndotja, degradimi ose shkatërrimi i mjedisit nga neni 338 par. 1 të KPRK-së.

Gjykata ka caktuar dhe ka mbajtur shqyrtimin fillestar me dt.26.12.2023, ku në seancë kanë qenë të pranishëm prokurori i shtetit Arlinda Nallbani - Gacaferri, i pandehuri A.F dhe mbrojtësi i tij sipas autorizimit av. Q.F..

I pandehuri drejtpërdrejt në procesverbalin e shqyrtimit fillestar të datës 26.12.2023, e ka autorizuar av. Q.F. që ta përfaqësoj në këtë çështje penale.

Në shqyrtimin fillestar të mbajtur me dt. 26.12.2023, Prokurori i shtetit lexoi aktakuzën PP/II.Nr.2731/22, të datës 13.01.2023, dhe menjëherë të pandehurit i'u dha mundësia për ta pranuar fajësinë apo të deklarohej i pafajshëm.

I pandehuri, në shqyrtimin fillestar, deklaroi se e ka kuptuar aktakuzën në tërësi, me vullnet të plotë dhe i vetëdijshëm për pasojat e pranimin të fajësisë e ka pranuar në tërësi fajësinë për veprën penale për të cilën i vihet në barrë sipas aktakuzës së prokurorit të shtetit, kërkoj falje për veprime e mija.

Prokurori i shtetit, lidhur me pranimin e fajësisë nga i pandehuri deklaroi se: Pajtohem me pranimin e fajësisë nga i pandehuri, i njëjti është bërë në mënyrë të plotë dhe konform dispozitave ligjore. Pasi që i pandehuri e pranojnë fajësinë, ky pranim i fajësisë gjen mbështetje edhe në shkresat e lëndës, unë mbetem në tërësi pranë aktakuzës dhe cilësimit juridik dhe i propozoj gjykatës që të pandehurin

ta shpallë fajtor dhe ta dënoj sipas ligjit. Me rastin e marrjes së vendimit mbi dënim pranimi i fajësisë të merret si rrethanë lehtësuese.

Mbrojtësi i të pandehurit, av. Q.F. lidhur me pranimin e fajësisë nga i pandehuri deklaroi: Meqenëse i pandehuri e pranoi fajësinë i propozoi gjykatës që me rastin e marrjes së shqiptimit të dënimit, ta ketë parasysh faktin se i pandehuri nga dita e rrafshimit të terrenit për “*stan*”, asnjë veprim tjetër nuk e ka bërë në drejtim të ndërtimit të “*stanit*”, duke qenë në dijeni se tani është i ndaluar një veprim i tillë. I ka propozuar gjykatës që të pandehurit t’i shqiptoj një dënim me gjobë në kufijtë të minimumit të mundshëm ligjor me çka edhe do të përmbushej qëllimi i dënimit.

Nga pranimi i fajësisë në mënyrë të plotë dhe të vullnetshme nga i akuzuari gjykata në bazë të nenit 242 par. 6 të KPPK-së, në seancën e shqyrtimit fillestar, me aktvendim pranoi pranimin e fajësisë nga i pandehuri pasi që është bindur plotësisht se i pandehuri ishte i vetëdijshëm për pasojat e pranimin të fajësisë dhe se i pandehuri e ka pranuar fajësinë pa presion dhe me vullnetin e tij të plotë.

Nga thëniet e vet të pandehurit në shqyrtimin fillestar është vërtetuar se ai me datë, kohë dhe vend si në dispozitivin e akuzës së ngritur ndaj tij, ka kryer veprën penale për të cilën akuzohet.

Nga faktet e vërtetuara nga shkresat e lëndës, nga deklaratimet e palëve në procedurë dhe nga vet pranimi i fajësisë nga i pandehuri, gjykata gjeti se në veprimet e të pandehurit, ekzistojnë të gjitha elementet e veprës penale si në hyrje të këtij aktgjykimi, si dhe vërtetoi gjendjen faktike të përshkruar si në dispozitiv të këtij aktgjykimi, prandaj gjykata edhe e shpalli fajtor të njëjtin pasi që më parë gjeti se penalisht është përgjegjës.

Me rastin e përcaktimit të dënimit, gjykata i vlerësoi të gjitha rrethanat lehtësuese dhe rënduese, të cilat konform nenit 70 të KPRK-së, ndikojnë në llojin dhe lartësinë e dënimit e të cilat janë me ndikim me rastin e dënimit, ashtu që ndaj të pandehurit gjykata mori në konsideratë rrethanat lehtësuese se: i pandehuri e ka pranuar fajësinë, i pa dënuar më parë dhe keqardhjen e shfaqur në prani të gjykatës, ndërsa rrethanë rënduese nuk ka gjetur, dhe duke u nisur nga të gjitha këto gjykata të pandehurit i shqiptoi dënim me gjobë.

Në rastin konkret gjykata vlerësoi se dënimi i shqiptuar si në dispozitivin e këtij aktgjykimi është në proporcion me peshën e veprës penale, me sjelljen dhe rrethanat e kryesit sipas nenit 69 par. 3, me shkallën e rrezikshmërisë shoqërore dhe përgjegjësinë e kryesit, me bindje se dënimi i tillë do të ndikojë në risocializimin dhe riedukimin e kryesit, si dhe do të ndikojë tek të tjerët të mos kryejnë vepra penale, ngritjen e moralit dhe forcimin e detyrimit për respektimin e ligjit, çka është edhe qëllimi i dënimit sipas nenit 38 të KPRK-së.

Vendimi për kompensimin e shpenzimeve të paushallit gjyqësor, është marrë në bazë të nenit 449 par.2 pika 2.1 dhe 2.6 të KPPK-së.

Vendimi lidhur me taksën për programin e kompensimit të viktimave, është marrë konform nenit 39 par. 3, pika 31.1 të Ligjit për Kompensimin e Viktimave të Krimit – 05/L036.

Vendimi lidhur me kërkesën pasurore juridike është marr duke u bazuar në nenin 462 të KPPK – së.

Mbi bazën e të dhënave si më lart, në bazë të neneve 242 dhe 364 të KPPK-së, u vendos si në dispozitivin e këtij aktgjykimi.

**GJYKATA THEMELORE NË PEJË/ DEGA NË DEÇAN - DEPARTAMENTI I
PËRGJITHSHËM
P.nr.13/23, dt.03.01.2024.**

**Sekretare juridike
Sabiha Hoxha**

**Gjyqtari i vetëm gjykues
Armend Lokaj**

UDHËZIMI JURIDIK: Kundër këtij aktgjykimi ankesë mund të paraqesin personat e autorizuar brenda tridhjet (30) ditësh, nga dita e dorëzimit të kopjes së aktgjykimit. Ankesa bëhet përmes kësaj Gjykate, për Gjykatën e Apelit në Prishtinë.